

**Protocol dalla radunonza generala dil Forum cultural  
03.09.2004**

**Hotel Krüzli, Sedrun**

**Presents: 12 commemorAs incl. la suprastonza**

Allas uras fixadas fa il president beinvegni als presentAs.  
Perstgisas ha el retschert da Rita Berther, Rueras e da Seppa Schmet, Sedrun

**2. Dumbravuschs:** Gion Giachen Monn vegn proponius ed elegius.

**3. Protocol:** Il protocol dalla davosa radunonza generala vegn presentaus ed acceptaus senza neginas remarclas.

**4. Rapport annual:** Il rapport annual ei vegnius presentaus en la davosa Tuatschina. Tuttina va il president André Schmid en enqualins puncts. Cun l'introducziun da siu rapport hagi el vuliu sensibilisar ils lectursAs ed interessai vid nossa historia e cultura. –

Putnegia: Las restonzas dal casti da Putnengia abosrbeschi momentan bia temps e sur tut finanzas. Il datum previu da saver finir las lavurs igl onn proxim, stopien ins emblidar cun quei che novas scuvretgas ein vegnidas alla glisch. Ussa segi plitost da quintar cun 2006 ni schizun 2007. Mo decisiv segien las finanzas senza quellas mondi nuot vinavon.

Archiv communal: Ei semuossi pli e pli ch'in archiv cultural fagess da basegns e che quel ei era giavischabels. Denton senza sustegn finanziel dalla vischnaunca segi ei strusch pusseivel al Forum da realisar in tal.

Notg da films: Igl interess segi staus avon maun. La mal'aura ha fatg empau in streha atras il quen. Ei segi era semussau ch'ils films indigens crodien sin grond interss, daferton ch'ils auters drova bia cletg ed era bien maun per eleger quel ed anflar igl interss tier la glieud.

Calender: La vendita dil calender ei ina buna intrada ed ei da continuar.

Tier la discussiun partenent il protocol vegn intrau en la sera da films. Ei segi segir avunda material avon maun ch'ins savessi mussar mo films indigens. Plianavon fa Norbert Berther attents sin in regissur che dervi da Sedrun; Manuel Flurin Hendry. El hagi viu in film da quel ed ei fussi forsa da envidar quel e mussar in da ses films quella sera.

Suenter la discussiun vegn il rapport approbius dils presents.

**5. Rendaquen:** Quel ei partius en duas spartas. In, il quen ordinari e l'auter Putnengia. Il quen ordinari ha giu tochen ils 31.08.2004:

Intradas da	19'502.00 francs
Expensas da	18'709.00
En cassa restan	4'0811.40

Intradas ed expensas pli grondas ein stadas:

- Vendita da calendars 7086 viers 3'679 expensas
- Faner Val Bugnei 6691.95 da Transco SA e pagau als viandonts e fma. Loretz che quei ha schau al forum ca. 1000. francs.

Putnengia:	Intradas da	77'298.-- francs
	Expensas da	66'174.90 francs.
	En cassa ein aunc	11'123.95 francs

Intradas da privats: 10'993.45, Instituziuns 11'200.-- , Vischnaunca contribuziun da 40'000.—francs. La gronda expensa ei ida a Fma. Loretz cun varga 65'000 francs.

**6. Revisura:** Barla Monego dat rapport ch'ella hagi controllau ils quens, anflau tut en uorden, e propona als presents d'acceptar il quen sco rapportau e dar scarica a tuts funcziunaris. Quei vegn era approbau aschia dals commbember.

**7. Contribuziun:** Vid la contribuziun vegn midau nuot aschia che quella stat sin 30.—francs per ils commembers ed a fautors stat ella libra.

**8. Projects e lavur 2004/2005:**

- Exposiziun da maletgs dal fotograf Brunner. En la davosa radunonza era vegniu discutau pertuccont quei project. Oz eis ei aschilunsch che quella caussa vegn proximamein (17.09) realisada e zuar atras la cumissiun dil museum. Nus essan segidai sch'igl ei stau da basegns e vegnin a segidar tier l'avertura.

- Pleiv 800 onns: Igl onn vegnent vegn la pleiv a festivar 800 onns dapli l'emprema menziun . Nus segidein vid la lavur d'ina broschura pertuccont quei anniversari.

- Prospect cultural: Ensemen cun scolast Vigeli Jacomet e sia classa vegn la lavur continuada.

- Referat: Previu ei aunc adina in referat sur dil lungatg romontsch da Gion Lechmann da Laax.

- Calender: Il calender 2005 ei gia avon maun. El cumpara per l'emprema gada en color e cuntetg maletgs da Lucas Berther, anteriur hotelier dalla Cruna e promotur dal turissem en nossa val. Ils cuosts ein per 1'000 francs dapli ch'igl onn vargau, tuttina schein nus il preci sin 25.-- francs sco tochen da cheu.

- Vic Hendry: Igl onn vegnent sa nies scribent Vic Hendry festivar siu anniversari da 85 onns. Cheu vegn fatg patratgs co e tgei ins savess far per engraziament viers el per sia ovra literara.

- Putnegia: Muort ils novs fatgs dalla ruina ston ins elaborar in niev project. Mantener ils mirs dalla tuor vegn continuau e savess vegnir terminau in'auter onn cun rumiar entuorn ed era igl intern dalla tuor. Per il plaz denter tuor e foss vegnan ins a stuer spitgar tochen che finanzas ideas e project niev ein avon maun. Per curclar ils cuosts dalla lavur momentana stattan a disposiziun 10'000 francs dil forum, 20'000 francs dalla vischnaunca e 20'000 francs dil cantun.

**9. Varia:** Norbert Berther fa attents sin il project en Sutssavgia. Leu exista dapi uonn ina uniun che sestenta per mantener ils baghetgs vegls . Quei fussi forsa era per nus cheu in muosavia.

Cun quei ei la discussiun stada finida e la radunonza ei vegnida serrada.

Rueras, settember 2004

Igl actuar, Berther Bruno